

Pontifex, adhuc sedens cum mitra, intingat pollicem dexterum in sanctum Chrisma, et perungat verticem Electi in modum Crucis, dicens: (*Singulorum, si plures.*)

**D**eus omnipotens, Pater Dómini nostri Jesu Christi, qui te regenerávit ex aqua et Spíritu sancto, quique dedit tibi remissionem ómnium peccatórum, (*Hic inungit*) ipse te líniat Chrismate salutis ✠ in eódem Christo Jesu Dómino nostro in vitam ætérnam. *R.* Amen.

*V.* Pax tecum. *R.* Et cum spíritu tuo.

Tunc bombacio, vel re simili, Pontifex pollicem tergit et imponit capiti Electi Chrismale, seu candidum linteolum, et dat illi vestem candidam, dicens: (*Singulis, si plures.*)

**A**ccipe vestem cándidam et immaculátam, quam pérferas ante tribunal Dómini nostri Jesu Christi, ut hábeas vitam ætérnam. *R.* Amen.

Electus prædicto linteolo abstergitur, et in loco remoto deponit priores vestes, et induitur novis albi coloris, vel saltem exteriore candida, quam a Pontifice accepit, et redit ante Pontificem.

Pontifex autem, sedens, ut supra cum mitra, dat illi cereum, seu candelam accensam in manu dextera, dicens:

**A**ccipe lámpadem ardéntem, et irreprensíbilis custódi Baptísmum tuum: serva Dei mandáta, ut cum Dóminus vénerit ad núptias, possis occurrere ei in aula cœlésti in vitam ætérnam.

*R.* Amen.

Ipse vero Neophytus cereum accensum in manibus teneat usque in finem, præterquam dum confirmatur.

Postremo Pontifex adhuc sedens cum mitra, dicit:

**N.** Vade in pace, et Dóminus sit tecum.


*R.* Amen.

Tandem Pontifex sedens, ut supra, hortatur Neophytum ad Baptismalem gratiam custodiendam.

Inde adhuc sedens, lavat manus, more solito; tum, ordine Processionali, revertitur in Secretarium, vel accedit ad altare.

Ibidem a Pontifice Neophyti (si sint confirmandi), præmissa, si opus fuerit, Sacramentali Confessione, Confirmationis Sacramento initiantur, ut in Pontificali: et successive in Missa, vel per ipsum Pontificem, vel per alium celebrata, cui ipsi intersint, sanctissimam Communionem devote suscipiant.

Pontifex demum deponit sacras vestes, et gratis Deo peractis, recedit in pace.



### CONFIRMATIO UNI TANTUM CONFERENDA.

**P**arentur vas sacri Chrismatis super pelvim una cum gossipio, gremiale ex tela alba, vas ad abluendum manus cum suo mantili, medulla panis, et vitta linea munda.

Pontifex supra rochettum, vel, si sit Regularis, supra superpelliceum paratus amictu, cruce pectorali, stola et pluviali albi coloris, cum mitra simplici et baculo pastorali, vel si hoc Sacramentum minus solemniter conferatur, quacumque die, scilicet, hora, et loco, ex causa ad arbitrium Episcopi; indutus, ut supra, sine tamen pluviali, accedit ad faldistorium ante medium Altaris, si sit in aliqua Capella, aut in alio convenienti loco sibi paratum, et sedens brevi sermone alloquitur adstantes et Confirmandum; explanans eis effectus hujus Sacramenti, et condiciones ad illud valide ac licite suscipiendum requisitas.

Quo facto, lavat manus: deinde, deposita mitra, surgit, et versa facie ad Confirmandum ante se genuflexum, junctis manibus dicit:

**S**píritus sanctus supervéniat in te et virtus Altíssimi custódiat te a peccátis. *R.* Amen.

Deinde signans se manu dextera a fronte ad pectus signo Crucis, dicit:

*V.* Adjutórium nostrū in nómine Dñi. *R.* Qui fecit cœlū et terram.

*V.* Dñe exáudi oratióem meam. *R.* Et clamor meus ad te véniat.

*V.* Dóminus vobiscum. *R.* Et cum spíritu tuo.

Tum extensis versus Confirmandum manibus, dicit: **Orémus.**

**O**mnipotens sempitérne Deus, qui regeneráre dignátus es hunc fámulum tuum (*vel hanc fámulam tuam*) ex aqua et Spíritu sancto, quique dedísti ei remissionem ómnium peccatórum: emítte in eum (*vel in eam*) septifórmem Spíritum tuum sanctum paráclitum de cœlis. *R.* Amen.

Spíritum sapiéntiæ et intelléctus. *R.* Amen.

Spíritum consílii et fortitúdinis. *R.* Amen.

Spíritum sciéntiæ et pietátis. *R.* Amen.

**A**dimple eum (*vel eam*) Spíritu timóris tui, et consigna eum (*vel eam*) signo Cru ✠ cis Christi, in vitam propitiátus ætérnam. Per eúdem Dóminum . . . in unitáte ejúsdem Spíritus. *R.* Amen.

Pontifex, accepta mitra, sedet in faldistorio, imponitur ei gremiale album, et baculum accipit in sinistra; confirmandus vero coram eo genuflexus, si fuerit infans per patrinum vel matrinam stantem tenetur sub brachio dextero; si autem fuerit adultus, aut alius major, ponat pedem suum super pedem dextrum patrini sui. Et ideo, neque masculus feminæ patrinus, nequè femina masculo matrina esse deberet.

Deinde, inquisito Confirmandi nomine, et summitate pollicis dexteræ manus Chrismate intincta, Pontifex confirmat eum, dicens:

**N.** Signo te signo Cru ✠ cis.

Et dum hoc dicit, imposita manu dextera super caput Confirmandi, producit pollice signum Crucis in fronte illius, deinde prosequitur:

**Et confirmo te Chrismate salutis: In nómine Pa ✠ tris, et Fí ✠ lii, et Spíritus ✠ sancti. R.** Amen.

Et leviter eum in maxilla cædit dicens: **Pax tecum.**

Uctione peracta, patrinus vel matrina confirmati frontem, per ministrum jam extersam, ligat vitta linea munda; et Pontifex, deposito baculo pastorali, tergit cum mica panis, et lavat pollicem et manus super pelvim, et aqua lotionis cum pane funditur in piscinam sacrarii.

Interim dum lavat manus, cantatur vel legitur a ministris sequens Antiph.:

**Confirma hoc, Deus, quod operátus es in nobis a templo sancto tuo, quod est in Jerúsalem. V. Glória Patri. R.** Sicut erat.

Deinde repetitur Antiphona; qua repetita, Pontifex, deposita mitra, surgit, et stans versus ad altare, junctis ante pectus manibus, dicit:

**V. Osténde nobis Dómine misericórdiam tuam.**

**R. Et salutáre tuum da nobis.**

**V. Dñe exaúdi oratióem meam. R.** Et clamor meus ad te véniat.

**V. Dóminus vobiscum. R.** Et cum spiritu tuo.

**Orémus.**


**D**eus, qui Apóstolis tuis sanctum dedísti Spíritum, et per eos eorúmque successóres céteris fidélibus tradéndum esse voluísti, réspice propítius ad humilitátis nostræ famulátum, et præsta, ut illius cor, cujus frontem sacro Chrismate delinívimus, et signo sanctæ Crucis signávimus, idem Spíritus sanctus in eo (vel in ea) supervéniens, templum glóriæ suæ dignánte inhabitándo perfíciat. Qui cum Patre et eódem Spíritu sancto vivis et regnas Deus, in sæcula sæculórum. **R.** Amen.

Deinde dicit: **Ecce sic benedicétur omnis homo, qui timet Dñm.**

Et vertens se ad Confirmatum, sinistra accipit pastorale, et dextera manu faciens super eum signum Crucis, dicit:

**Bene ✠ dicat te Dóminus ex Sion, ut vídeas bona Jerúsalem ómnibus diébus vitæ tuæ, et hábeas vitam ætérnam. R.** Amen.

Expedita itaque Confirmatione, Pontifex sedens accepta mitra, patrino, vel matrinæ, annuntiat, quod filium suum instruat bonis moribus, quod fugiat mala, et faciat bona, et doceat eum, Credo in Deum, et Pater noster, et Ave María, quoniam ad hoc est obligatus. Mox sacris exiit; et vadunt in pace omnes.



## DE CLERICO FACIENDO.

Pro Clerico ordinando parentur forfices ad incidendos capillos, bacile pro illis imponendis, et gremiale lineum album super gremium Pontificis tempore tonsuræ tenendum.

**S**i extra Missarum solemnia, quocumque scilicet die, hora et loco minus solemniter Tonsura conferatur, Pontifex supra rochetum, vel, si sit Regularis, supra superpelliceum, amictu, cruce pectorali, stola alba, et mitra simplici indutus, accedens ad faldistorium ante medium altaris, si sit in Capella seu in alio loco convenienti sibi paratum, sedet.

Vel si immediate ante vel post Missam privatim celebratam conferatur, Pontifex, deposito manipulo, casula tamen retenta, vel ea pariter exutus, accipit mitram simplicem, et accedens ad faldistorium ante medium altaris positum, sedet.

Vel denique si Tonsuram tantum in privatæ Missæ celebratione, cum mitra simplici; aut etiam cum aliquo ex majoribus Ordinibus intra Missarum solemnia Pontificaliter paratus conferat Episcopus: In Missa de Sabbato ante Dominicam Passionis, et in aliis Missis, in quibus non dicitur Glória in excelsis, post Introitum, Tonsura conferri debet. In Missis vero de Quatuor Temporibus, de Sabbato sancto, et in aliis Missis in quibus dicitur Glória in excelsis, dicto Kyrie eléison, ad Tonsuram proceditur.

Pontifice igitur sedente in faldistorio, vocatur Tonsurandus nominatim, qui respondens Adsum, accedit: et, facta profunda reverentia Pontifici, genuflectit coram illo, habens suum superpelliceum super brachium sinistrum, et candelam in manu dextera.

Mox surgit Pontifex cum mitra, et dicit:

**V. Sit nomen Dómini benedíctum.**

**R. Ex hoc nunc, et usque in sæculum.**

**V. Adjutórium nostrum in nómine Dómini.**

**R. Qui fecit cælum et terram.**

**O**rémus, fratres caríssimi, Dóminum nostrum Jesum Christum pro hoc fámulo suo, qui ad deponéndum comas cápitis sui pro ejus amore festínat, ut donet ei Spíritum sanctum, qui hábitum religiónis in eo in perpétuum consérvet, et a mundi impedímto, ac sæculári desidério cor ejus deféndat: ut, sicut immutátur in vultu, ita dextera manus ejus virtútis ei tríbuat increméta, et ab

omni cæcitate spirituáli et humana óculos ejus apériat, et lumen ei æternæ grátie concédatur: Qui vivit et regnat cum Deo Patre in unitate ejúsdem Spíritus sancti Deus, per ómnia sæcula sæculórum.

Post hæc, sedente Pontifice, schola seu ministri inchoant et prosequuntur Antiphonam et Psalmum sequentes:

Tu es Dómine qui restitues hæreditatem meam mihi.

Ps. 15. Conserva me Dómine. pag. 8.

Repetitur Antiphona. Tu es Dómine.

Incepto Psalmo, extenditur supra gremium Pontificis mantile album, et Pontifex cum forcibus incidit Tonsurando extremitates capillorum in quatuor locis, videlicet in fronte, in occipito, et ad utramque aurem, deinde in medio capitis aliquot crines capillorum, et in bacile deponit, dicente eo qui tondetur:

Dóminus pars hæreditatis meæ, et calcicis mei: tu es, qui restitues hæreditatem meam mihi.

Tonso Clerico, Pontifex, depositis gremiali et mitra, surgit, et stans versus ad illum, dicit:

Orémus.

**P**ræsta quæsumus omnipotens Deus, ut hic famulus tuus, cujus hodie comas capitis pro amore divino deposuimus, in tua dilectione perpetuo maneat, et cum sine macula in sempiternum custodias. Per Christum Dóminum nostrum. *R.* Amen.

Tunc schola seu ministri inchoant et prosequuntur Antiphonam et Psalmum sequentes; qua incepta, Pontifex sedet cum mitra.

Antiph. Hic accipiet benedictionem a Dómino, et misericordiam a Deo salutari suo: quia hæc est generatio querentium Dóminum.

Ps. 23. Dómini est terra. pag. 9.

Repetitur Antiphona. Hic accipiet, etc.

Qua finita, Pontifex, deposita mitra, surgit, et conversus ad altare, dicit:

Orémus. Et ministri dicunt: Flectamus genua. *R.* Levate.

Et Pontifex versus ad Tonsum adhuc genuflexum, dicit:

**A**desto, Dómine, supplicationibus nostris: et hunc famulum tuum bene ✠ dicere dignare, cui in tuo sancto nomine habitum sacræ religionis imponimus; ut, te largiente, et devotus in Ecclesia tua persistere, et vitam percipere mereatur æternam. Per Christum Dóminum nostrum. *R.* Amen.

Tum Pontifex sedet cum mitra, et accipiens præ manibus superpelliceum, Tonsum totaliter induit, dicens:

Induat te Dóminus novum hominem, qui secundum Deum creatus est, in justitia, et sanctitate veritatis.

Quo expedito, Pontifex, deposita mitra, surgit, et versus ad illum, dicit:

Orémus.

**O**mnipotens sempiternæ Deus, propitiare peccatis nostris, et ab omni servitute sæcularis habitus hunc famulum tuum emunda;

ut dum ignominiam sæcularis habitus deponit, tua semper in ævum gratia perfruatur; ut sicut similitudinem coronæ tuæ eum gestare facimus in capite, sic tua virtute hæreditatem subsequi mereatur æternam in corde: Qui cum Patre, et Spíritu sancto vivit et regnas Deus, per ómnia sæcula sæculórum. *R.* Amen.

Deinde Pontifex, accepta mitra, sedet et Clericum sic alloquitur:

**F**ili carissime, animadvertere debes, quod hodie de foro Ecclesiæ factus sis, et privilegia clericalia sis sortitus. Cave igitur, ne propter culpam tuam illa perdas: et habitu honesto, bonisque moribus, atque operibus Deo placere studeas. Quod ipse tibi concedat per Spíritum sanctum suum. *R.* Amen.

Et si nullus alius ordo conferatur, subdit:

Dic semel septem Psalmos poenitentiales cum Litanis, Versiculis, et Orationibus, et omnipotentem Deum etiam pro me ora.

## DE MINORIBUS ORDINIBUS UNI TANTUM CONFERENDIS.

**S**I extra Missarum solemnna, Dominicis scilicet et festivis diebus duplicibus in mane tantum, minus solemniter conferantur, Pontifex supra rochetum, vel, si sit Regularis, supra superpelliceum amictu, cruce pectorali, stola alba, et mitra simplici indutus, accedens ad faldistorium ante medium altaris sibi paratum, sedet:

Vel, si immediate ante vel post Missam privatim celebratam conferantur, Pontifex, deposito manipulo, sine casula, vel cum ea, et mitra simplici, accedens ad faldistorium, sedet:

Vel denique si minores tantum Ordines in privata Missæ celebratione, cum mitra simplici, aut etiam cum aliquo ex majoribus Ordinibus intra Missarum solemnna Pontificaliter paratus conferat Episcopus: In Missa de Sabbato ante Dominicam Passionis, et in aliis Missis, in quibus non dicitur Glória in excelsis Deo, post Kýrie eléison, omnes minores Ordines conferantur. In Missis vero de Sabbato sancto, et in aliis Missis, in quibus dicitur Glória in excelsis, eo dicto, ad quatuor minores Ordines proceditur. In Missis autem de Quatuor Temporibus, dicta prima Lectione, ordinatur Ostiarius, post secundam Lectionem Lector, post tertiam Exorcista, post quartam Acolythus.

Ordinandus ad quatuor minores Ordines esse debet superpelliceo indutus, cum candela in manu dextera.

## DE ORDINATIONE OSTIARII.

Pro Ostiario parentur claves Ecclesiæ, vel Capellæ, in aliqua pelvicula, et tintinnabulum, si non adsint campanæ.

**P**ontifex ante medium altaris in faldistorio sibi parato sedet, renibus altari versis, et Archidiaconus, aut alius minister, vocat Ordinandum dicens:

Accedat qui ordinandus est ad officium Ostiariórum.

Mox Notarius appellat eum nomine suo, qui respondens Adsum, accedit, et, facta profunda Pontifici reverentia, genuflectit coram eo. Tum Pontifex illum admonet, dicens:

**S**uscepturus, fili carissime, officium Ostiariorum, vide, quæ in domo Dei agere debeas. Ostiarium oportet percutere cymbalum, et campanam; aperire Ecclesiam et sacrarium; et librum aperire ei, qui prædicat. Prøvide igitur, ne per negligentiam tuam, illarum rerum, quæ intra Ecclesiam sunt, aliquid depereat: certisque horis domum Dei apertas fidelibus, et semper claudas infidelibus. Stude etiam, ut sicut materialibus clavibus Ecclesiam visibilem aperis et claudis; sic et invisibilem Dei domum, corda scilicet fidelium, dictis et exemplis tuis claudas diabolo, et apertas Deo: ut divina verba, quæ audierint, corde retineant, et opere compleant, quod in te Dominus perficiat per misericordiam suam.

Hujusmodi admonitiones non fiunt Cardinali, nec Episcopo electo.

Deinde claves Ecclesiæ, quas manu dextera tangit Ordinandus, ei traduntur a Pontifice dicente:

Sic age, quasi redditurus Deo rationem pro iis rebus, quæ his clavibus recluduntur.

Post hæc Archidiaconus, vel alius vices ejus tenens, ducit eum ad ostium Ecclesiæ, aut Capellæ, et facit illum claudere et aperire: tradit etiam illi Archidiaconus funem Campanarum, faciens eum campanas, aut, illarum defectu, campanulam pulsare; deinde reducit illum ad Pontificem. Mox deposito gremiali, surgit Pontifex, et stans cum mitra versus ad ipsum coram se genuflectentem, dicit:

**D**eum Patrem omnipotentem, fratres carissimi, suppliciter deprecemur, ut hunc famulum suum bene ✠ dicere dignetur, quem in officium Ostiariorum eligere dignatus est: ut sit ei fidelissima cura in domo Dei diebus ac noctibus, ad distinctionem certarum horarum, ad invocandum nomen Domini, adjuvante Domino nostro Jesu Christo, qui cum eo vivit et regnat in unitate Spiritus sancti Deus, per omnia sæcula sæculorum. **R.** Amen.

Tum, mitra deposita, stat Pontifex, et conversus ad altare, dicit:

**Orémus.** Ministri subjungunt: **Flectamus genua.** **R.** Levate.

Et statim vertens se ad Ostiarium genuflexum, stans sine mitra, dicit:

**D**omine sancte, Pater omnipotens, æternæ Deus, bene ✠ dicere dignare hunc famulum tuum in officium Ostiariorum: ut inter janitores Ecclesiæ tuo pareat obséquio, et inter electos tuos partem tuæ mereatur habere mercèdis. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

Si hic tantum Ordo conferatur, et collatio hujusmodi facta fuerit extra Missam, Pontifex statim sedet cum mitra, et Ordinatum alloquitur ut infra: si vero id egerit intra Missam privatim celebratam, data benedictione, sedens ut supra, admonet eum sub his verbis:

**F**ili dilectissime, diligenter considera Ordinem per te susceptum, ac onus humeris tuis impositum; stude sancte, et religiøse

vivere atque omnipotenti Deo placere, ut gratiam suam possis acquirere; quam ipse tibi per suam misericordiam concedere dignetur.

Dic semel septem Psalmos pœnitentiæ cum Litanis, Versiculis, et Orationibus, et omnipotentem Deum etiam pro me ora.

Si vero simul cum isto ordine collata fuerit Tonsura, admonet eum, ut infra post Ordinationem Acolythi.

## DE ORDINATIONE LECTORIS.

Pro Lectore ordinando paretur liber Lectionum.



ontifex in faldistorio ante medium altaris posito, reassumpta mitra sedet; tum Archidiaconus, aut alius, vocat Lectorem hoc modo:

Accedat qui ordinandus est ad officium Lectorum.

Mox illum per Notarium, ut supra, nominatum et coram Pontifice genuflexum Pontifex admonet, dicens:

**E**lectus, fili carissime, ut sis Lector in domo Dei nostri, officium tuum agnosce, et imple. Potens est enim Deus, ut augeat tibi gratiam perfectionis æternæ. Lectorem siquidem oportet legere ea quæ (vel ei qui) prædicat, et lectiones cantare, et benedicere panem, et omnes fructus novos. Stude igitur verba Dei, videlicet Lectiones sacras, distincte et aperte, ad intelligentiam et ædificationem fidelium absque omni mendacio falsitatis proferre; ne veritas divinarum lectionum incuria tua ad instructionem audientium corrumpatur. Quod autem ore legis, corde credas atque opere compleas; quatenus auditores tuos, verbo pariter et exemplo tuo, docere possis. Ideoque dum legis, sta in alto loco Ecclesiæ, ut ab omnibus audiaris et videaris, figurans positione corporali, te in alto virtutum gradu debere conversari; quatenus cunctis a quibus audiris et videris, cœlestis vitæ formam præbeas: quod in te Deus impleat per gratiam suam.

Deinde Pontifex accipit et tradit Ordinando Codicem de quo lecturus est; quem manu dextera tangit, Pontifice interim dicente:

**A**ccipe, et esto verbi Dei relator, habiturus, si fideliter et utiliter impleris officium tuum, partem cum iis, qui verbum Dei bene administraverunt ab initio.

Tum Pontifex cum mitra surgit, et stans versus ad illum adhuc genuflexum, dicit:

**O**remus, fratres carissimi, Deum Patrem omnipotentem, ut super hunc famulum suum, quem in ordinem Lectorum dignatur assumere, bene ✠ dictionem suam clementer effundat; quatenus legat distincte quæ in Ecclesia Dei legenda sunt, et eadem operibus impleat. Per Dominum nostrum Jesum Christum Filium suum, qui

cum eo vivit et regnat in unitate Spiritus sancti Deus, per omnia sæcula sæculorum. *R.* Amen.

Tum Pontifex, mitra deposita, stans conversus ad altare, dicit:  
Orémus. Ministri subjungunt: *Flectámus genua. R.* Leváte.

Deinde vertens se ad Ordinatam genuflexum, dicit sine mitra:

**D**ómine sancte, Pater omnipotens, ætérne Deus, bene ✠ dicere dignáre hunc fámulum tuum in officium Lectóris; ut assiduitate lectionum instrúctus sit atque ordinátus, et agénda dicat, et dicta ópere ímpleat, ut in utróque sanctæ Ecclésiæ exémplo sanctitátis suæ cónsulat. Per Dóminum nostrum Jesum Christum Fílium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Et si hic tantum Ordo conferatur, admonet eum ut supra. p. 350. sedens cum mitra.

Si vero plures uni tantum Ordines fuerint collati, illum alloquitur, ut infra post Ordinationem Acolythi.

## DE ORDINATIONE EXORCISTÆ.

Pro Exorcista paretur liber Exorcismorum, cujus loco dari potest Pontificale, vel Missale.

**P**ontifex in faldistorio ante medium altaris posito sedente cum mitra, vocatur Exorcista per Archidiaconum, aut alium, modo consueto:

Accédât qui ordinándus est ad Officium Exorcistárum.

Mox illum per Notarium, ut supra, nominatum, et coram Pontifice genuflexum admonet Pontifex, dicens:

**O**rdinándus, fili caríssime, in officium Exorcistárum, nóscere debes quid súscipis. Exorcistam étenim opórtet abjicere dæmones, et dicere pópulo, ut, qui non commúnicat, det locum; et aquam in ministério fúndere. Accipis itaque potestátem imponéndi manum super energúmenos; et per impositionem mánuum tuárum, grátia Spiritus sancti, et verbis exorcismi pellúntur spiritus immúndi a corpóribus obséssis. Stude igitur, ut sicut a corpóribus aliórum dæmones expéllis, ita ab ánimo tuo et corpore omnem immundítiam et nequítiam ejicias; ne illi succúmbas, quem ab áliis tuo éffugas ministério. Disce per officium tuum vítiis imperáre, ne in tuis móribus áliquíd sui juris inimícus váleat vindicáre. Tunc étenim recte in áliis dæmónibus imperábis, cum prius in teípso eórum multimódam súperas nequítiam: quod tibi Dóminus ágere concédât per Spíritum suum sanctum.

Post hæc Pontifex accipit, et tradit ei librum Exorcismorum, vel illius loco Pontificale, seu Missale, et dum Ordinandus librum tangit manu dextera, dicit Pontifex:

**A**ccipe, et comménda memóriæ, et habe potestátem imponéndi manus super energúmenos, sive baptizátos, sive catechúmenos.

Mox surgit Pontifex, et stans cum mitra conversus ad illum adhuc genuflexum, dicit:

**D**eum Patrem omnipoténtem, fratres caríssimi, súplices deprecémur, ut hunc fámulum suum bene ✠ dicere dignétur in officium Exorcistárum; ut sit spirituális imperátor ad abjiciéndos dæmones de corpóribus obséssis, cum omni nequítia eórum multíformi. Per unigénitum Fílium suum Dóminum nostrum Jesum Christum, qui cum eo vivit et regnat in unitate Spiritus sancti Deus, per omnia sæcula sæculorum. *R.* Amen.

Tum conversus ad altare, deposita mitra, dicit:

Orémus. Et ministri subdunt: *Flectámus genua. R.* Leváte.

Et convertens se ad Ordinatam genuflexum, dicit:

**D**ómine sancte, Pater omnipotens, ætérne Deus, bene ✠ dicere dignáre hunc fámulum tuum in officium Exorcistárum: ut per impositionem mánuum et oris officium, potestátem et impérium hábeat spiritus immúndos coércéndi, ut probábilis sit médicus Ecclésiæ tuæ, grátia curatiónum virtutéque coelésti confirmátus. Per Dóminum nostrum Jesum Christum Fílium tuum, qui tecum vivit et regnat in unitate Spiritus sancti Deus, per omnia sæcula sæculorum. *R.* Amen.

Et si hic tantum Ordo conferatur, admonet eum ut supra, pag. 350. dictum est, sedens cum mitra.

Si vero plures minores Ordines eidem collati fuerint, Pontifex hortatur illum ut infra post collationem Acolythatus.

## DE ORDINATIONE ACOLYTHI.

Pro Acolyθο parentur Candelabrum cum cereo extincto, et urceolus pro vino vacuus.

**P**ontifex in faldistorio ante medium altaris, reassumpta mitra, sedet; tum Archidiaconus, vel alius locum ejus tenens, Acolythum vocat, dicens:

Accédât qui ordinándus est ad officium Acolythórum.

Mox illum nominatum, ut supra, et genuflexum, admonet Pontifex, dicens:

**S**usceptúrus, fili caríssime, officium Acólythi, pensa quod súscipis. Acólythum étenim opórtet ceroférarium ferre, luminária Ecclésiæ accéndere; vinum et aquam ad Eucharístiam ministráre. Stude igitur susceptum officium digne implére. Non enim Deo placére póteris, si lucem Deo mánibus præferens, opéribus tenebrárum insérvias, et per hoc áliis exémpa perfidiæ præbeas. Sed sicut Véritas dicit: Lúceat lux tua coram homínibus, ut vídeant ópera

tua bona, et glorificent Patrem tuum qui in cœlis est. Et sicut ait Apóstolus Paulus: In médio natiónis pravæ et perversæ lúceas sicut lumináre in mundo, verbum vitæ cóntinens. Sint ergo lumbi tui præcincti, et lucernæ ardentes in mânibus tuis, ut sis filius lucis. Abjicias ópera tenebrarum, et induaris arma lucis. Eras etenim aliquándo ténebræ, nunc autem lux in Dómino, ut filius lucis ámbula. Quæ sit vero ista lux, quam tantópere incúlcet Apóstolus, ipse demónstrat, subdens: Fructus enim lucis est, in omni bonitáte, et justítia, et veritáte. Esto igitur sollícitus, in omni justítia, bonitáte et veritáte, ut te, et alios, et Dei Ecclésiám illúmines. Tunc etenim in Dei sacrificio digne vinum súggeres et aquam, si tu ipse Deo sacrificium per castam vitam et bona ópera oblátus fúeris; quod tibi Dóminus concédatur per misericórdiam suam.

*Post hæc accipit et tradit Pontifex Acolytho candelabrum cum candela extincta, quod ipse manu dextera tangit, Pontifice dicente:*

**A**ccipe ceroferárium cum céreo, et scias te ad accendénda Ecclésiæ luminária mancipári, in nómine Dómini. *R.* Amen.

*Tum accipit et tradit ei urceolum vacuum, quem similiter tangere debet Acolythus, et dicit Pontifex:*

**A**ccipe urcéolum, ad suggeréndum vinum et aquam in Eucharístiam sánguinis Christi, in nómine Dómini. *R.* Amen.

*Postea stans Pontifex cum mitra versus ad eum genuflexum, dicit:*

**D**eum Patrem omnipoténtem, fratres caríssimi, suppliciter deprecémur, ut hunc fámulum suum bene ✠ dicere dignétur in órdine Acolythórum: quátenus lumen visíbile mânibus præferens, lumen quoque spirituále móribus præbeat: adjuvánte Dómino nostro Jesu Christo, qui cum eo, et Spírítu sancto vivit et regnat Deus, per ómnia sæcula sæculórum. *R.* Amen.

*Tum Pontifex, deposita mitra, convertit se ad altare, et stans dicit:*

*Orémus. Et ministri dicunt: Flectámus génuá. R.* Leváte.

*Et mox conversus ad Acolythum genuflexum, subdit:*

**D**ómine sancte, Pater omnipotens, ætérne Deus, qui per Jesum Christum Fílium tuum Dóminum nostrum, et Apóstolos ejus, in hunc mundum lumen claritátis tuæ misísti, quique ut mortis nostræ antiquum aboléres chirógraphum, gloriosíssimæ illum Crucis vexillo affigi, ac sánguinem et aquam ex látere illius pro salúte géneris humáni efflúere voluísti, bene ✠ dicere dignáre hunc fámulum tuum in officium Acolythórum, ut ad accendéndum lumen Ecclésiæ tuæ, et ad suggeréndum vinum et aquam ad conficiéndum sánguinem Christi Fílii tui in offerénda Eucharístia sanctis altáribus tuis fidéliter subministret. Accénde, Dómine, cor ejus et mentem ad amórem grátiae tuæ, ut illuminátus vultu splendóris tui, fidéliter tibi in sancta Ecclésia desérviat. Per eúmdem Christum Dóminum nostrum. *R.* Amen.

*Orémus.*

**D**ómine sancte, Pater omnipotens, ætérne Deus, qui ad Móysen et Aaron locútus es, ut accenderéntur lucernæ in tabernáculo testimónii: bene ✠ dicere dignáre hunc fámulum tuum, ut sit Acolythus in Ecclésia tua. Per Christum Dóminum nostrum.

*R.* Amen.

*Orémus.*

**O**mnipotens sempitérne Deus, fons lucis, et origo bonitátis, qui per Jesum Christum Fílium tuum, lumen verum, mundum illuminásti, ejúsque passiónis mystério redemísti: bene ✠ dicere dignáre hunc fámulum tuum, quem in officium Acolythórum consecrámus, poscéntes cleméntiam tuam, ut ejus mentem et lúmine sciéntiæ illústres, et pietátis tuæ rore irriges; ut ita accéptum ministérium, te auxiliánte, péragat, quáliter ad ætérnam remuneratióem pervenire mereátur. Per eúmdem Christum Dóminum nostrum.

*R.* Amen.

*Deinde, si Ordinatio peracta fuerit extra Missam, Pontifex, accepta mitra, sedet; et ad minores Ordines promotum monet, ut infra: si vero intra Missam, post datam benedictionem sedens cum mitra, eum tunc alloquitur:*

**F**ili dilectíssime, diligénter considera Ordines per te suscéptos, ac onus húmeris tuis impósitum; stude sancte et religiósè vivere, atque omnipoténti Deo placére ut grátiam suam possis acquirere, quam ipse tibi per suam misericórdiam concédere dignétur.

*Dic semel septem Psalmos pœnitentiáles cum Litaníis, Versículis, et Oratióibus, et omnipoténtem Deum étiam pro me ora.*

*Quod ille devote suscipit, et promittit se facturum. Tandem, si collatus fuerit hic tantum Ordo, admonet eum ut supra, pag. 350.*

## DE ORDINATIONE SUBDIACONI.

*Pro Subdiacono parentur Calix vacuum cum Patena superposita similiter vacua, urceoli vino et aqua pleni super pelviculam, una cum manutergio et liber Epistolarum:*

*Paretur etiam Hostia parva, et velum oblongum coloris albi pro Communione.*

**P**ontifex omnibus paramentis pontificalibus coloris temporis, et officio convenientis pro Missa necessario celebranda, indutus, ut Subdiaconatus Ordinem conferat in Missis de Quatuor Temporibus, dicta quinta Lectione: in Missis vero et Sabbatis ante Dominicam Passionis, aut Resurrectionis Domini, aut, ex dispensatione Apostolica, in Missis de festivo die duplici, vel de Dominicis, dicta Collecta cum Oratione pro Ordinandis sub una conclusione: et factis Commemorationibus, si quæ sint faciendæ; accedit cum mitra, ad faldistorium ante medium altaris sibi paratum, et sedet.

*Et si fuerit extra Tempora, antequam ad collationem Ordinis procedatur, legitur mandatum Apostolicum, sive supplicatio, cujus vigore eidem Pontifici*